



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 26. Pergit Valdivia Chilenos Barbaros ad partes trahere.

**urn:nbn:de:hbz:466:1-38528**

nibus, è dura servitute redemerat; adeò ut reliquos Prætores antecessores suos bellum laude, omnium calculo, superarunt. Sed quantum is Hispanæ militiæ gloriam apud Chilenos auxerat, tantum sibi offecit præsidentiæ meritorum: nam cum Provinciarum Præfecti Regis legibus vetentur uxores ex suis præfecturis assumere, ne iudiciorum corruptioni per affinitates detur locus: Alfonso Ribera, Prætor, Matrimonium cum nobilissima fœmina in Chileno regno contrahere ausus est. Ob id Rex Catholicus utilè virum, ne exemplo noceret, Chilensi præfecturam mulctavit: ita tamen poenam temperavit, ut aliis litteris eum Tucumania Prætorem, Chilensi dignitate paùlo inferiorem, crearet. Eo amoto, Præfecturam Chilensem obtinuit Alfonso Garcia Ramon, qui dum Limâ iter habet, interpositâ Protegis autoritate, ab Societatis Provinciali Ludovicum Valdiviam, Theologiae professeum, inspem componendi regni Chilensis, sibi concedi impetravit. Ambo eadē nave vesti, tempestate & incendio pœnè periēre. Tempestatem, invocato in auxilium Ignatio, evasere; incendium avertit vigilans Valdiviæ, intempestâ nocte fortuitâ flammâ, puppim ardere inclamantis, & nautas vectoresque ad extingendum hortantis. Bino periculo defuncti, Conceptionis portum tandem tenuerunt. Conceptionis urbs Chileni regni Prætoris fides, civibus & ædificiis modica, ad littus Pacifici maris protensa est; ejus ditio versùs regni Metropoli liberè spatiatur: quâ rebellibus obvertitur, longè arctius coarctatur. Id spatiū Alfonso Ribera, atque alii duces, castellis per justas intercedentes dispositis, occupavere: a quorum castellorum præsidariis finitimi Barbari ægrè in amicitia retinebantur. Vix eò novus Prætor appulerat, cum diploma Regis, rebelles ad pristinam amicitiam, oblata præteriorum amnistiam, invitantis, publicari voluit. Mox profectionem indicit ad inspicienda castella, & pagos Barbarorum, vi aut sponte Hispano parentium: quorum Barbarorum ea conditio erat, ut hostium loco, si offensionem animorum spectares, jure habere posset: quo circa ad eos, quamvis amici dicerentur, nullus iritabat, nisi militum cohorte stipatus: nam male fidas eis, quos solo metu tibi adstricatos habes. Prætorem turabantur cohortes Regiæ: sed in uno Ludovico Valdiviâ plus præsidii erat, quam in armatis militibus: quippe Barbari experimento & famâ didicerant, per Valdiviam nationem suam ab injuriis militum, & duro servitio ubique fuisse vindicatum. Igitur quoquid ibat, confertim confluebant populorum Primores, Parentem, Tutorum, & unicum corporum, animarumque solatium, eum vocantes. Vicissimque Valdivia, occasione usus, quoquos poterat Christi & Regis Catholici partibus conciliabat. In Munitione, quam Levo vocant, viginti Casiquii convenerant, qui auditio Valdiviâ de immortalitate animæ, ceterisque Fidei mysteriis disputante, in Christianorum album referri postulaverent: etate grandiores dilatati sunt, donec morum constantiâ se probarent; infantibus omnibus sacro Fonte lustratis.

**C**IRCA Paicavim, Hispanorum castrum, quadraginta Casiquii Tucapelaniæ factionis incolebant, de quibus jure dubitares hostiumne, an amicorum loco haberet: Adeò, præter nomen amicorum, nihil pacifici præferebant. His offensus Prætor, hostes apertos minus perniciosos ultimans, quam fraudulentâ sub fronte hostiles animos gerentes, bellum ostentavit: sed Valdivia intercessit, obtinuitque ab Tucapelaniis, ut, fraude depositâ, cum Hispanis bona fide pacem reintegrarent. Verum cum aliunde bellum ex mutua injuria resurgeret. Valdivianon tam Barbarorum in se studiis, quam Dei ope fretus, sequester futurus, rebellantium terras, cum exiguo quinque militum comitatu adire ausus est. Venientem Barbari excepere humaniter, Casiquis quamplurimis, honoris ergo, ad eum concurrentibus. Post officia gratulationis, Valdivia de bonorum malorumque finibus longam orationem contexuit, quam ex abrupto interrupta è Barbaris nonnemo, interrogans unde, & à quo eam doctrinam haulisset? Valdiviâ respondentie, id asseruisse Dei Filium. Ergo, subinfert Barbarus, vester Deus uxorem habuerit, si filium genuit. Tum Ludovicus magnificis verbis mysterium generationis Divinæ evolvens, adeò altè de Trinitate & Incarnatione differuit, ut Barbari veritatis splendore

Alfonso Ribera laudatur.

Offendit Regem.

Chilensi prætura multatus.

Tucumania præficitur.

Ludo vicus Valdivia in Chilensem regnum navigat.

Invocatio Ignatio tempestas sedatur.

Conceptionis urbi.

Barbari ad amicitiam afficiuntur.

Baptismum postulant.

**CAPUT**  
XXVI.  
Pergit Valdivia Chilenos Barbaros ad partes trahere.

Tucapelanos concilias.

Cum Barbaris de nostris mysteriis colloquiuitur.

ostendit  
ebrietatem  
esse pecca-  
tum.

Pluralita-  
tem uxorum  
damnat.

Avilus con-  
futatur.

Divinitas  
Pillani ex-  
ploratur.

Ludovicus  
Valdivia  
fugit.

Iterum rebel-  
lum fines in-  
greditur.

Militum du-  
ces tres con-  
siliat.

CAPUT  
XXVIL  
Captivo-  
rum me-  
morabilis  
exitus.

ac granditate sermonis perstringerentur. Qui deinde, traxo ad varia sermone, eò tandem devoluti sunt, ut percunctarentur ex illo, cur Christiana lex ebrietatem damnaret? nam, inquietant, si somno se soientes non peccant, qua ratione tandem evinces ebrietatem, nihil ab somno differentem, esse peccatum? Cùm verò Valdivia ab ebrio, judicij usum sibi violenter adimenter, non minùs peccari, quām qui brachium abscondideret, demonstrasset: illi mox ab ebrietate ad continuum vitium delapsi, sciscitantur, cur eādem lege veritum esset, ne quis simul plures uxores haberet. Contrà Valdivia retorsus telum, vicissim sciscitans, cur suis uxoris plures etiam maritos admittere non licet? Ibi omnes acclamant in fœminis id turpe esse, sed in viris nequaquam, consuetudine non tolli rationem male facti. Nam ponamus, inquit, apud vos in usu ac honore esse, mortales trucidare, & viduas facere, an propterea definet id esse malum, quia vos pessimam rem inter precipua decora reponitis? Magnâ noctis parte percunctando respondendoque consumptâ, sub auroram ex remotoribus Oppidis viginti Casiqui advenere, quos summâ oris alacritate amplexatus Valdivia, explicato Regis Catholici indulto, & eorum querelis, memoria atque patrocinandi ergo, in codicillos relatis, magnoperè sibi conciliavit. Eminebat autoritate inter recentes advenas Avilus Casiquius, qui cognito, ab Valdivia asseri Christianorum Deum unicum esse rerum omnium Creatorem, magnâ indignatione refragatus, vociferatur, nequaquam se permisurum, ut Chilenorum Deo (Pillan vocant) vis creandi abrogetur. Valdiviae verò interroganti de moribus phantasticæ hujus Deitatis, Avilus asserit, eam esse sui Numinis conditionem, ut gentis Primores, necnon milites fortitudine insignes, post mortem ad loca tripudiis & compotitationibus destinata æternum beundos transferat: sanguinem nobilium virorum in bello occisorum circa Solem collocari, mutarique in nubes rubras, quibus Sol oriens subinde decoratur: at plebeios homines, & paupertate turpes, ab suo Deo nullo præmio affici. Tum Ludovicus subridens: Quām, inquit, vester ille Deus iniquus est; nam cùm constet plerosque gentis Primores, & milites foedioribus flagitiis inquinari, quām plebeios; quis non Deum in flagitosos benevolum, & bonorum contemptorem rideat? Inter quos sermones, accepto ab comitibus indicio, in suspicionem infidarum sibi paratarum veniens, ad Hispanorum munitionem dissimulanter fugâ se contulit: sed inanis fuerat comitum metus, nam iudem Casiqui, fide publicâ ad Valdiviam venere, gentem omnem immenso dolore affectam ob suspicionem contestantes, promittentesque, si ad interiora Regni secum ire vellet, se pacis inter hostes stabilendæ arbitros, & corporis custodes futuros. Non abnuit Valdivia, sequé ad hostilem terram ducendum ignotis hominibus permisit. Ibat per abrupta montium, per paludes, & invias ambages, donec tandem eò perveniret, quò ad colloquendum frequentes hostium Primores convenerant. Eo in colloquio, de Regis Catholici indulto, de modo perpetuandæ pacis cum Hispana natione, de lege Christiana promulganda, ita actitatum est, ut jam omnibus sat satis appareret, si vexationum causæ tollerentur, non gravatè se in fidem tutelamque Christi transturos. Non procul eo loco Barbaricæ militiae duces tres, admittente eodem, ab Hispanis se statueros spondere. Inda mulier, morti proxima, vi Sacramentorum dæmoni erupta, & portonto Christiana fides apud Barbaros asserta est: quippe cùm puerpera pertinaciter ægrum infantem sacris aquis lustrari nollet, quod Christianis ritibus statim enecandum existimaret, incolumitatem promittente Valdiviæ, simul ac sacro fonte immerita est, sanitatem recepit: quo miraculo perculsa infantis tritavia, centenariâ major, accepto etiam Baptismo, Christianis se adjunxit: denique conciliatis Indorum plurimis, cum eodem comitatu incolumis Valdivia ad Hispanos redit.

**D**UM verò ipse Arauci moratur, res accidit memorabilis. Post vastatas, ut suprà demonstratum est, Chileni Regni Australes urbes, quamplurimæ Hispanorum familiæ, servitutem inter Barbaros servire cogebantur: quos inter misere-

gemebat